



MOBILIZACION PER LA MANIFESTACION DEL 24 D'OCTOBRE A MONTPELHIÈR

Adieu a totes,

Nòstra granda manifestacion se sarra (*se rapproche*) e nos devèm ara mobilizar per ne far una capitada de las bèlas.

Per aquò far, avèm besonh de 2 personas referentas [al mens] per Calandreta que portaràn lo gilet jaune lo jorn de la manifestacion, per enquadrar (*encadrer*) lo cortègi, ajudar a son escorriment (*écoulement*) per las carrièras (*les rues*) de la vila e plan velhar a la seguretat (*veiller à la sécurité*) dels manifestants [passarem per de carrièras en òbras (*des rues en travaux*)].

D'autra part, demandam a cada còla pedagogica de plan voler preparar un quicomet amb los calandròns. En partent de la frasa de Frederic Mistral : “ qual ten la lenga ten la clau ” ne faguèrem la declinason seguenta : “la lenga es la clau de l'avenidor”. Per ilustrar aquesta devisa vos prepausam que cada calandron fargue una clau que vendrà penjar sus l'Esplanada Charles de Gaulle, luòc del vilatge occitan, lo jorn de la manifestacion.

Vos mercejam totes de nos plan voler ajudar (*de bien vouloir nous aider*) a la mobilizacion per aquesta manifestacion. Nòstra lenga es totjorn mai menaçada (*toujours plus menacée*) e devèm èsser milierats (*des milliers*) de personas per dire e cridar “**N'I A PRO**”

La còla aprestaira.